

შრომა

სურათებიანი დამატება

დამატების № 33.

ხუთშაბათი. 3 აგვისტო. 1906 წ.

გაზეთის № 97

მოსილ კასიმის გახსნი

ლ. ტოდსტაის.

(თარგმანი)

ერთ მდიდარ ოჯახში სტუმრებმა მოიყარეს თავი და სერიოზული ლაპარაკი ჩამოაგდეს ცხოვრების ვითარებაზე.

ლაპარაკობდნენ დამსწრეთა და არა დამსწრეთა შესახებ და ვერც ერთი ადამიანი ვერ გამონახეს თავის ცხოვრებით კმაყოფილი.

ბედნიერებას ვინ სჩიოდა, არც ერთი ადამიანი არ იყო ისეთი, რომ სჯეროდეს, ისე ვცხოვრობ, როგორც ქრისტიანმა უნდა იცხოვროსო. ყველანი გამოტყდნენ, რომ ამ საფლოს ცხოვრებას მისდევნენ, მხოლოდ თავიანთ თავზე და თავიანთ ოჯახზე ზრუნავდნენ, არც ერთი მათგანი არა ფიქრობს თავის მოყვასზე და ყველაზე ნაკლებად ღმერთზე.

ასე ელაპარაკებოდნენ სტუმრები ერთმანეთს, ყველა ერთხმად აბრალებდა თავის თავს უღვთო, არა-ქრისტიანულ ცხოვრებას.

— მაშ რიდასთვის ვცხოვრობთ ასე, — წამოიძახა ერთმა ქაბუქმა, — რად ვმერბობთ იმას, რაც თვითონ არ მოგვწონს? განა ჩვენ ხელთ არ არის ჩვენი ცხოვრების შეცვლა? კარგად გვესმის, რომ გვღუპავს ჩვენი ფუფუნება, ჩვენი ნებეირობა, ჩვენი სიმდიდრე, და, ყველაზე მეტად, ჩვენი ამპარტაუნობა, ჩვენ ძმებისაგან განცალკევება. წარჩინებულობისა და სიმდიდრის გულისათვის ჩვენ უნდა დაეცლოთ ჩვენ თავს ყველაფერი, რაც სიხარულს ანიჭებს ადამიანის ცხოვრებას. ჩვენ ვიჯბუღებთ ქალაქში, თავს ვასათუთებთ, ჯანსა ვლუპავთ და, თუმცა ბევრი თავ-შესაქცევარი გვაქვს, მოწყენილობა გვკლავს და ვწუხვართ, რომ ჩვენი ცხოვრება არ არის ისეთი, როგორიც უნდა იყოს. მაშ რად ვცხოვრობთ ასე, რად ვლუპავდ ამნაირად მთელ ჩვენ სი-ცოცხლეს, მთელ იმ სიკეთეს, რომელიც ღვთისგან გვაქვს მოცემული? არ მინდა წინანდებურად ცხოვრება, დაწყებულ სწავლაზე ხელს ავიდებ; სხვაგან ხომ არსად მიმიყვანს იგი, იმ ტანჯულ ცხოვრების გარდა, რომელსაც ახლა ყველანი ეწივივით. უარ-გყოფ ჩემ ქონებას, წავალ და ღარიბებთან ვიცხოვრებ სოფელში. ვიმუშავებ იმათთან ერთად, ვისწავლი ხელობით მუშაობას და, თუ სჭირიათ ღარიბებს ჩემი განათლებულობა, გადაცემ იმათ, დაწესებულებათა და წიგნების საშუალებით კი არა, პირდაპირ, მათთან ძმურის ცხოვრებით. დიად, მე ეს გადაწყვიტე, — სთქვა მან და შემკითხვის თვალით შეხედა თავის მამას, რომელიც აქვე იყო.


— შენი სურვილი კეთილია, — სთქვა მამამ, — მხოლოდ მაჩათ გულის ნაყოფი და მოუფიქრებელია. ყველაფერი ასე

ადვილად გეჩვენება იმიტომ რომ, ცხოვრებას ვერ იცნობ. ბევრი რამ გვეგონია ჩვენ კარგი, მაგრამ საქმე იმაშია, რომ ამ კარგის ასრულება ძრიელ ძნელი და რთულია ხოლმე. ძნელია ნატკვნის ბილიკით კარგად სიარული, მაგრამ ახალის გზების გაქრა კიდევ უფრო ძნელია. ამისთანა გზებს ისეთი კაცები გასჭირან ხოლმე, რომელნიც სრულიად მოწიფულნი არიან და შეუძენიათ ყველა ის, რაც ხელმისაწვდომია ადამიანისათვის. ცხოვრების ახალი გზები ადვილად იმიტომ გეჩვენება, რომ შენ ჯერ ცხოვრების ვითარება არ გესმის. ყველა ეს ახალგაზრდას მჩატე აზრები და ამპარტაუნობაა. ჩვენ, მოხუცებუნი კაცები, იმისათვის ვართ საჭირონი, რომ თქვენი გატაცება ავლავდებოდა და ჩვენის გამოცდილებით ხელმძღვანელობა გავიწიოთ, თქვენ კი ახალგაზრდებმა, ჩვენ ნებაზე უნდა იაროთ, რათა ჩვენის გამოცდილებით ისარგებლოთ. შენი მოღვაწეობა მომავალში იქნება, ახლა კი იზაღებო და განვიტარების გზას ადგებარ. გაიზარდე, საესებით განათლი, და მოუციდებლობა შეიძინე, შენი საკუთარი მტკიცე რწმენა იქონიე და მაშინ დაიწყე ახალი ცხოვრება, თუ კი საამისო ძალ-ღონე შეგწევს. ახლა კი უნდა დამოირჩილო იმათ, რომელნიც ხელმძღვანელობას გიწვევენ შენდა სასიკეთოდ. და ახალ გზების გაქრა კი შენი საქმე არ არის.

ქაბუკი გაჩუმდა და უფროსები დაეთანხმნენ იმას, — რაც მამა მისმა სთქვა.


— თქვენ მართალი ბრძანდებით, — მიმართა ყმაწვილის მამას ცოლ-შვილიანმა, შუა ხნის კაცმა. — მართალია, — სთქვა მან, — ქაბუკს არა აქვს გამოცდილება და, შეიძლება, შესცდეს ცხოვრების ახალ გზების ძებნაში და არ შეიძლება, რომ მტკიცე იყოს იმისი გარდაწყვეტილება, მაგრამ ხომ ყველანი დავთანხმდით იმაზე, რომ ჩვენი

ცხოვრება ჩვენი სინიდილის წინააღმდეგია, და სიკეთეს არ გვაძლევს. ამიტომ არ შეიძლება სამართლიანად არ ვიცნათ ამ ცხოვრებიდან გამოსვლის სურვილი. შესაძლებელია, რომ ქაბუკს იმისი ოცნება გონების დასკვნად ეჩვენოს, მე კი ქაბუკი არა ვარ; და ჩემ თავზე შემდეგს მოგასწავნებო: ამ საღამოს, ლაპარაკს რომ უსმენდი, სწორედ ამნაირივე ფიქრი დამებადა თავში. ცხადია ჩემთვის, რომ ის ცხოვრება, რომელსაც ახლა ვადგევარ, ვერ შემემნს სინიდილის სიმშვიდეს და სიკეთეს. ამაში გამოცდილება და გონება მემოწმება. მაშ რაღას ველოდები? თავს ვიკლავ დიდიდან საღამომდის ჩემი ოჯახის გულისათვის, ნამდვილად კი გამოდის, რომ მეცა და ჩემი ოჯახობაც არა ვცხოვრობთ ღვთისნიერად, და უფრო და უფრო უარესად ვიფლობთ ცოდვებში. ოჯახისათვის ვცდილობ, ოჯახს კი სიკეთე არ ემატება, რადგან ის, რასაც მი-თვის ვაკეთებ, არ არის კეთილი. ამიტომაც უკნაშრად მომდის ფიქრად: განა უკეთესი არ იქნება



ზერკენტევი

ტერიოკში მოკლული დეპუტატი.



ერთი უბანი სიზრანისა, ცეცხლის შემდეგ.

შეცვალა მთელი ჩემი ცხოვრება, სწორედ ისე მოვიქცე, როგორც ამ ქაბუკმა სთქვა: დავანებო თავი ცოლშვილზე ზრუნვას და მხოლოდ ჩემ სულზე ვიფიქრო. ტყუილად კი არა აქვს პავლე მოციქულის ნათქვამი: „ცოლიანი ცოლისათვის ზრუნავს, უცოლო კი ღვთისთვისა“.

ძლივს მოასწრო ამისი გამოთქმა ცოლიანმა კაცმა, რომ დამსწრე ქალები და ცოლი დაესივნენ.

— მაგზე ადრე უნდა გეფიქრათ! — სთქვა ერთმა ხანში შესულმა მანდილოსანმა.

— თუ ერთხელ უღელი დაიდევ, უნდა გასწიო. ასე ყველა იტყვის, სულის ცხონება მინდაო, უღლის გაწევა და ცოლშვილის რჩენა რომ გაუჭირდება. ეს სიყალბეა, საბაგლობაა. არა, ადამიანმა ოჯახში უნდა შესძლოს ღვთისნიერი ცხოვრება. ასე კი მეტად ადვილია მარტოკა თავის სულის ცხონება. მერე, უმთავრესი ისაა, რომ ვინც ამას სჩადის — ქრისტეს მცნებას არღვევს. ღმერთმა სხვების სიყვარულიზრძანა, ამით კი თქვენ ღვთის გულისათვის სხვებს გინდათ აწყენინოთ. არა, ცოლიან კაცს თავისი გარკვეული ვალდებულებანი აქვს და არ უნდა გაურბოდეს. ოჯახს რომ ფეხზე დააყენებთ, მაშინ კი სხვა საქმეა. მაშინ როგორც გასურთ, ისე მოიქცით, არავის არა აქვს უფლება ძალა დაატანოს თავის ცოლშვილს.

ცოლიანი კაცი არ დასთანხმდა. ამას იმან სთქვა:

— მე არ მინდა ოჯახის დატოვება. მე მხოლოდ ვამბობ, რომ თვით ეს ოჯახი არა ამ სოფლიურად უნდა წაიყვანოს ადამიანმა; არა, ისე, რომ, როგორც ახლა ვამბობდით, თავის ხორციელ წადილისათვის ცხოვრებას შეეჩვივნენ, არამედ უნდა წაიყვანოს ისე, რომ შვილები სიყრმიდან შეეჩვივნენ გაქირვებას, შრომას, ადამიანთა შეწევნას და, უმთავრესად — ყველასთან ძმურ ცხოვრებას. და ამისათვის ადამიანმა უნდა უარსაც თავისი სიმდიდრე და დიდკაცობა.

— სხვების მორჯულებას თავი დანებებ, სანამ თვითონ არა სცხოვრობ ღვთისნიერად, — გაცხარებით მიუგო ამაზე ცოლმა. — უმაწილობიდან შენის სიამოვნებისთვის გიცხოვრია, რად გინდა ახლა აწვალო შენი შვილები და შენი ოჯახი? გაიზარდნენ მშვიდობით, მერე კი, როგორც თავად ისურვებენ, ისე მოიქცევიან, შენ კი ძალას ნუ დაატან.

ცოლიანი კაცი გაჩუმდა. ერთი მოხუცებული კაცი, რომელიც აქვე იყო, გამოესარჩლა მას.

— ეთქვათ, მართალია, — სთქვა მან, — ცოლ შვილიანმა კაცმა, თუ კი ერთხელ შეიჩვია თავისი ოჯახი კარგ ცხოვრებას, უეცრად არ უნდა წაართვას ყველა ეს. მართალია, თუ კი

დაწყებულია შვილების აღზრდა, სჯობია დასრულდეს კიდევ. მით უმეტეს, რომ შვილები, როცა გაიზრდებიან, თავად აირჩევენ იმ გზას, რომელსაც თავიანთი საუკეთესოდ დაინახავენ. თანახმა ვარ, რომ ცოლ-შვილიან კაცისათვის ძნელია და კიდევაც შეუძლებელია უცოდველად თავის ცხოვრების გადასხვაფერება, ბებრებს კი, ეს ღვთისაგან გვაქვს ნაბიჯები. ჩემ თავზე ვიტყვი: ვცხოვრობ ყოველ ვალდებულებისაგან თავისუფალი, მართალი რომ ვსთქვათ, მხოლოდ ჩემი კუქისათვის ვცხოვრობ: ვკამ, ვსვამ, ვისვენებ, ასე რომ თავად მე მძაგს და მეზიზღება ჩემი თავი. აი ჩემთვის კი დროა დაევალო ეს ცხოვრება, გავცე ჩემი ქონება და სიკდილის წინ მაინც ვიცხოვრო ისე, როგორც ღმერთმა უბიძგა ქრისტეან ადამიანს.

არ დაეთანხმნენ არც მოხუცებულ კაცს. აქ იყო იმისი შვილი, იმისი დისწული და ერთი ნათლული, რომელსაც მან ყველა შვილები მოუნათლა და ბედნიერ დღეზე ასაჩუქრებდა. ყველანი წინააღმდეგ მას.

— არა, — სთქვა მოხუცის შვილმა, — თქვენ ბევრი გიშრომათ სიცოცხლეში, ახლა უნდა დაისვენოთ და ყოველი მწუხარება მოიშორეთ თავიდან. სამოცი წელი გიცხოვრიათ ჩვეულის წესით და ახლა ვერ დააგდებთ შეჩვეულ ცხოვრებას მხოლოდ უბრალოდ გაწვალდებით და სხვა აზრთერა.

— დიდა, დიდა, — დაჰკრა კვერი მოხუცის დისწულმა, — გაქირვებაში იქნებით და ცუდ გუნებაზე ბუზღუნს მოჰყვებით და კიდევ მეტ ცოდვებს ჩაიდენთ. ღმერთი კი მოწყალეა და ყველა ცოდვილს მიუტევებს და არა მარტო თქვენ, კარგსა და კეთილ ბიძის.

— რა ჩვენი საქმეა ყველა ეს? — სთქვა მეორე, ბიძის ტოლმა, მოხუცმა. მე და შენ გვებ ორი დღე ცხოვრება დავგრჩენია. რაღა დროსია ახლა მაგების დაწყება?

— საოცარია! — სთქვა ერთმა სტუმარმა (ის აქამდე სულ გაჩუმებული იყო), საოცარია! ყველანი ვამბობთ, რომ ღვთისნიერი ცხოვრება კარგია და რომ ჩვენ ცუდათა ვცხოვრობთ, სულითა და ხორციით ვიტანჯებით; და საქმეზე რომ მივიდა, გამოდი, რომ შვილების მორჯულება არ შეიძლება და უნდა ავლზარდოთ ისინი არა ღვთისნიერად, არამედ ძველებურად. უმაწილები მშობლების ნებას უნდა მიჰყვნენ და უნდა იცხოვრონ არა ღვთისნიერად, არამედ ძველებურად. ცოლ-შვილიანი კაცები ვერ მორჯულებენ ცოლ-შვილს და უნდა იცხოვრონ არა ღვთისნიერად, არამედ ძველებურად, ბებრებისათვის კი — დაწყებად არა ღირს, შეჩვეულებით არ არიან და ორი დღე ცხოვრება და დარჩენილი რომ, კეთილი ცხოვრება არავის არ შეუძლიან, და იმაზე მხოლოდ ლაპარაკი შეიძლება.

ა. ნაკაშაძე

სამხედრო ბეზარა

(თარგმანი)

ლამეა... პატარ-პატარა ღრუბლები გამალეხული მიცურავენ ჩრდილოეთისაკენ და გზა-გზა თავის მოჩვენებით სახეებს იცვლიან...

შემოდგომის წვიმა სცრის. შემდგარს გუბეებში ფანჯრების შუქი გამოკრთის...

არაფერი სასიამოვნოა ამისთანა ღამეში გარედ ყოფნა! დავიანებული მგზავრებიც ჩქარის ნაბიჯით მიეშურება სახლისაკენ. მხოლოდ წამოსახმაში გახვეულს პოლიციელს ზურ-

გი შეუშვებია ცივის ქარისთვის და უძრავად სდგას ერთ ადგილზე.

ზენკალ ივანე გორევის სახლში არ ეძინათ... ოთახში სიჩუმე იყო, ზინტლის სუნით შეზავებული დახშული ჰაერი იდგა. ფიცრის კედლის იქიდან, რომელიც სახლის პატრონების და მღვდლების ოთახს ჰყოფდა, ჩაქუჩის კაკუნის მოისმოდა. მძინარენი დრო და დრო უაზროდ ბოდავდნენ...

ჩამომხმარი ივანე უბრალო სკამზედ იჯდა და თვალები გრთის კუნჭულისთვის მიეშტერებინა. დანაოტებული ხელები უცხად მუხლებზედ ჩამოუვარდა...

იმასავით გამხდარი და გაყვითლებული ცოლი მობუტვლი იჯდა საწოლზედ. ცალი ფეხით არწევდა აკვანს, რომელიც საცოდავად ქრიალებდა...

მათის სახის გამომეტყველება რაღაც უბედურებას გამოხატავდა... ახალგაზდა ქალი ბავშვის ტირილზედ გამოერკვა და საჩქაროდ დაიხარა აკვანისაკენ.

— კარგი, კარგი... სსუ... ნანინა-ნანა... ოთახში „ნანინა“-ს სვედიანი ხმა გაისმა.

ივანემ გულმოსულმა გვერდზედ გააფურთხა და უწმაწურად შეივინა... ქალმა ქმარს შეხედა და სიმღერა შესწყვიტა.

— იქნება არ წაგიყვანონ?

— ჰო, ეგ არის, შენ მაგ იმედით იყავ! მი'მ, წიგნაკი რაღად გამომართვეს? გუშინ დერეფანში ვიდექ და ვასო მოვიდა ჩემთან. მშვიდობით, ომში მივდივარო... ოთხი კაცი კიდევაც წაიყვანეს... წე'ილ-შვილიანები არიან... საწყლები ტირილდნენ.

მძვინვარე ქარმა ფანჯრებს შემოუბერა, მინებს ზრიალი დააწყებინა და შემდეგ კენესით მოშორდა.

ცოლი ქვითინებდა და გახუნებულის წინსაფარით კრემლებს იწმენდავდა. ხან და ხან ნაწყვეტ-ნაწყვეტი სიტყვები და მოთქმაც მოისმოდა...

— ხელო უფროსთან წავალ და ბავშვებს მივუყვან... რაც უნდა ის უყოს! სად ოხრობაში გადავვარდე?

ბრაზ-მოარეულობა ივანემ ხელ-ახლად გადააფურთხა და წაიბუტბუტა:

— რას ბოდავ?

მაგრამ ხველა აუვარდა და გულზედ ხელი იტაცა.

რადგან ჩემი ქმარი ომში გაჰგზავნესო... — გასწი აქედან, წადი პენსიას დაგინიშნავენო, უთხრა უფროსმა. მართამ დაიჩოქა, მაგრამ უფროსის მოსამსახურემ კინწის კვრით ვარდ გააგდო. აი, შენც ასე გიზამენ... გაიგე?

ცოლმა გაკვირვებით შეხედა და ცხვირსახოცს ჩეჩვად აუწყო. ბავშვმა ტირილი მორთო. აკვანის კრიალის ქალმა სვედიანი „ნანინა“ შეუბანა... ქარი გაშმაგებით ეხეთქებოდა სახლის კედლებს და წვიმის წინწყლებს მიწებს უშხაპუნებდა.

— პენსია... — ხრინწავდა ივანე. — პენსია მარტო სახლს არ ეყოფა! რაღაც ორი გროშია, ჩვენ...

დერეფანში ზარის წკარუნი გაისმა. ივანე შეხტა, შემდეგ ფეხზედ წამოდგა... ცოლმა შემინებული თვალები დააშტერა და ქვითინი დაიწყო.

— წავალ, გავალბ! — სთქვა ივანემ და კარებისკენ გასწია.

ცოლი მივარდა და ხალათის სახელოში სწვდა.

— სად მიხვალ?... ისინი არიან... — წაიჩურჩულა მან.

ივანემ ყოყმანი დაიწყო, მუხლები აუკანკალდა.

— წაგიყვანენ, წაგიყვანენ... — ჩურჩულებდა ცოლი და დაქვრტილის თვალებით კარებს მისჩერებოდა.

ხელ-ახლად მოისმა ზარის წკარუნი... ორივენი შეკრთნენ. ქუჩიდან ღრიალი მოისმა:

— რა დაგემართათ, დაიხოცენით, თუ რა უბედურებაა თქვენს თავს?... გააღე!

კიდევ ჩამოჰკრეს ზარი.


— უნდა გავიღო, — წაიბუტბუტა გონს მოსულმა ივანემ, გაინთავისუფლა ხელი, მივიდა კარებთან და რაზა გადმოავლო. კარები გაიღო და ოთახში პოლიციელი შემოვიდა.

— დამეუნდა ვათიო შენს კარებთან, თუ როგორ არის შენი საქმე? შენა ხარ ივანე გორევი?

— მე ვარ. — ყრულ უპასუხა აღელვებულმა ივანემ. — ჩვენ ხალხნი ვართ... გვეძინა. ვერა ხედავ—ლამეა?

— აბა, გააბი! წამოდი, საპოლიციო უბანში, გიბარებენ.

ივანე ადგილიდან არ იძროდა: სჩანდა, რომ პოლიციელის სიტყვები ეერ გაიგონა. თვალწინ წარმოუდგა ცოლი, ბავშვები...



ცეცხლისაგან გადამწვარი ქალაქი სიზრანი.

— რას ბოდავ, მეტიქი? — გაიმეორა ივანემ, — ცოტა შენისთანა ყოფილა სათხოვნელად! ამას წინათ მეზობლიანთ მართა იყო უფროსთან, ბავშვებიც თან წაიყვანა... მე, თქვენო კეთილშობილებავ, ამითი გამოკვება არ შემძლიან,

— ჰა, გაინძერი, შე წყულო! ასე გიცადო? აქ პოლიციელმა წავლო ივანეს ხელი და კარებისაკენ მივადლო. ივანე წატოტმანდა, საწოლზედ დაეცა და ხველა აუტყდა.

— თავი დაანებე! — ჩაერია ცოლი. — ღმერთი არა გრწამს? ვერა ჰხედავ, ავადმყოფი კაცია?

— შენ ე მანდ ხმა გაკმინდე, როცა არა გკითხავენ! — შეუტია პოლიციელმა ივანეს ცოლს, რომელიც ხელის დაქერას უპირებდა, და გულში ხელი ჰკრა. ივანე გაცეცხლდა და საწოლიდან წამოვარდა.

— შე არაშადავ, შენა, საქიდაოდ მოხვედი? — დაუყვირა და რაც ძალი და ღონე ჰქონდა მუშტი შემოჰკრა.

— დაიქი, დაიქი! — დაიღრიალა პოლიციელმა.

ორმა ღონიერმა კაცმა ქვეშ ამოიდო ავადმყოფი მუშა. ივანე სრიალებდა და განთავისუფლებას სცდილობდა.

— წათრეით, წათრეით ეგ... დამაცა, მე შენ გაჩვენებ...

ბრძოლამ რამდენსამე წამს გასტანა. ბოლოს, უგონო ივანე გარედ გაათრეს.

— კაცის მკვლელობა, სისხლის მსმელობა! — გამოუდგა პოლიციელებს საზარელის კივილით ივანეს ცოლი...

ფეხის ხმა მისწყდა... ყველაფერი მიყუჩდა... ფიცრის კედელს იქით საათმა ოთხი დაჰკრა. გაღრნის კარებში ციცი ქარი შემოვარდა, დერეფანში რაღაც გადმოავლო, მაგიდაზედ მდებარე წიგნის რამდენიმე ფურცელი ააფრიალა და მიყუჩდა. ბავშვმა ტირილი დაიწყო.

ფანჯრიდან კი განთიადის მკრთალი სინათლე შემოვა-რულიყო.

დიმ. დეკანოზიშვილი

გ ა ს ა რ თ ო ბ ი

სოციალიზმი და რომანი. — კლასთა ბრძოლა იმდენად გამწვავებულია მთელს განათლებულ კაცობრიობაში, რომ აღარაფრითარ საშუალებას არ უკადრისობენ მტრის წინააღმდეგ. უკანასკნელად ერთმა ამერიკელმა მილიონერმა რომანი გამოსცა სოციალიზმის მასხარად ასაგებებლად „რომანს წითელი სახელმწიფო“ ჰქვიან და კარკატურულად არის დახატული ის წესწყობილება საზოგადოებრივ ცხოვრებისა, რომელსაც სოციალიზმი ქადაგებს. ამის პასუხად ერთმა ამერიკელმავე სოციალისტმა სინკლერმა რომანი დაბეჭდა „კაობი“ და იმისთანა სინამდვილით ასწერა მუშა-ხალხის უბედური, ყოველ ადამიანურ მოთხოვნილებას მოკლებული ცხოვრება, რომ თვით მართველობის ყურადღებაც კი დაიმსახურა. ამ ეპოქის სასტიკი გამოძიებაა დანიშნული — ნუ. თუ ქვა-ნახშირის მოხრეულ მუშების ზვედრი ისეთი საშინელია, როგორც ამაჲ სინკლერის რომანი ამტკიცებს.

ქალების საყურადღებოდ. — ქალების უფლებათა მოპოვებას არა მარტო ერთს რომელსამე ქვეყანაში, არამედ ყველგან, ემსახურება ლონდონში დაარსებული ქალთა საზოგადოება, ეგრედ წოდებული „Lyceum Club“-ი. საზოგადოებას ლონდონის გარდა ჯერ-ჯერობით ბერლინსა და პარიზში აქვს თავისი განყოფილებანი. ამას წინად საზოგადოებამ კრებული გამოცდა, რომელშიაც მარტო ქალების ნაწარმოებია დაბეჭდილი, უფრო ბელეტრისტიული თხზულებანი. უმთავრესი ადგილი კრებულში ინგლისურს ენას უჭირავს; საფრანგეთის მხრივ იქ მოიპოვება თხზულებანი ბენზონისა, ალ. დოდს მეუღლისა, ბრადისი, ლიუსი ფელიქს-ფორისა და სხვ. იტალიიდან მრავალი დოღედა, გერმანიიდან კლარა ვიბომ, რუმინიიდან — კარმენ სილვა. კრებული დრო გამოშვებით გამოვა და აზრად ექნება გაცნოს კაცობრიობას ქალების ნიჭის ნაწარმოები და გარდა ამისა აღწუხოს ყოველივე საზოგადოებრივი მოვლენა, რომელიც ხელს უწყობს ქალთა მიერ უფლებათა მოპოვების საქმეს.



- სად მიდიხარ ეტლით?
- უკანა ბიუროში, მომცემენ რამე ადგილს?
- საზღვოს რა გიჭირს, მდიდარი ხარ.
- ამბობენ, ბევრია იქ მდიდარი, მეტი ლუკა ვის გაღაუგდია?



— მერე?...

რედაქტორ-გამომცემელი გ. ს. რეხილაძე.